

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 22. Zakona o komunalnim djelatnostima ("Službene novine Kantona Sarajevo", broj 14/16, 43/16, 10/17- Ispravka, 19/17, 20/18 i 22/19), Vlada Kantona Sarajevo, na 50. vanrednoj sjednici održanoj 13.08.2020. godine, donijela je

UREDBU

O CIJENI MJESEČNE KARTE ZA PRIJEVOZ NEZAPOSLENIH OSOBA U JAVNOM LINIJSKOM PRIJEVOZU PUTNIKA NA PODRUČJU KANTONA SARAJEVO

Član 1.

(Predmet Uredbe)

Ovom uredbom propisuje se pravo na mjesečnu kartu nezaposlenih osoba za prijevoz u javnom linijskom prijevozu putnika na području Kantona Sarajevo, uvjeti i način ostvarivanja prava, finansiranje, postupak za ostvarivanje prava, ostarivanje prava kod svih davalaca usluge prijevoza.

Član 2.

(Korisnik prava)

Pravo na prijevoz u javnom linijskom prijevozu putnika na području Kantona Sarajevo iz člana 1. ove uredbe ima nezaposlena osoba sa prebivalištem ili boravištem na području Kantona Sarajevo, a koja se vodi u evidenciji Javne ustanove "Služba za zapošljavanje Kantona Sarajevo".

Član 3.

(Pravo na mjesečnu kartu)

Osobi iz člana 2. ove uredbe obezbjeđuje se mjesečni kupon za prijevoz javnim linijskim prijevozom putnika na području Kantona Sarajevo i to dijelom sa ličnim učešćem, a dijelom sufinansiranjem na osnovu utvrđenog učešća u troškovima prijevoza u skladu sa Budžetom Kantona Sarajevo.

Član 4.

(Cijena karte)

(1) Cijena karte javnog linijskog prijevoza putnika na području Kantona Sarajevo za kategoriju osoba iz člana 2. ove uredbe utvrđuje se u iznosu od 30,00 KM.

(2) Osoba iz člana 2. ove uredbe ima pravo na subvencioniranje troškova prijevoza uz lično učešće kako slijedi:

Zona	Plaća korisnik (KM)	Visina subvencije (KM)	Cijena karte (KM)
Jedinstvena zona na području Kantona Sarajevo	20,00 KM	10,00 KM	30,00 KM

(3) Sredstva za troškove subvencioniranja prijevoza iz stava (2) ovog člana planiraju se u Budžetu Kantona Sarajevo za tekuću godinu.

Član 5. (Vrijednost PDV)

Porez na dodanu vrijednost (PDV) uračunat je u cijenu mjesečne pretplatne karte iz člana 4. ove uredbe.

Član 6. (Način ostvarivanja prava)

(1) Pravo na kupovinu mjesečne karte iz člana 3. ove uredbe nezaposleno lice ostvaruje na osnovu ličnog zahtjeva, izjave ovjerene od strane nadležnog organa, ovjerene fotokopije kontrolnog kartona o javljanju nezaposlena osoba JU "Služba za zapošljavanje Kantona Sarajevo" (u daljem tekstu: kontrolni karton) i lične karte.

(2) Sadržaj izjave iz stava (1) ovog člana posebnim aktom propisuje ministar saobraćaja Kantona Sarajevo (u daljem tekstu: ministar).

Član 7. (Način provjere prava)

(1) Na osnovu dostavljenih dokaza iz člana 6. ove uredbe prijevoznik vrši provjeru statusa nezaposlene osobe kod nadležne službe JU "Služba za zapošljavanje Kantona Sarajevo".

(2) Način provjere statusa iz stava (1) ovog člana posebnim aktom propisuje ministar.

Član 8. (Postupak ostvarivanja prava)

(1) Osoba iz člana 2. uredbe dostavlja prijevozniku zahtjev, izjavu ovjerenu od strane nadležnog organa, ovjerenu fotokopiju kontrolnog kartona i ličnu kartu na uvid.

(2) Prevoznik određuje termine prodaje kupona i o tome daje javno obavještenje.

(3) Preuzimanje kupona, osoba iz člana 2. ove uredbe vrši lično na punktovima koje odredi prijevoznik.

(4) Uz fakturu za plaćanje na ime izdatih kupona (subvencioniranog dijela) prijevoznik je dužan dostaviti Ministarstvu saobraćaja Kantona Sarajevo (u daljem tekstu: Ministarstvo) spisak korisnika sa podacima i dokaze iz stava (6) ovog člana.

(5) Spisak korisnika sadrži sljedeće podatke: ime i prezime, datum rođenja, adresa stanovanja, opština, relacija putovanja, broj kupona i broj iskaznice.

(6) Kao dokaz za izdati kupon prijevoznik dostavlja Ministarstvu fotokopiju kontrolnog kartona na kojoj je upisan broj iskaznice.

Član 9.
(Način korištenja prava)

Za vrijeme vožnje osoba iz člana 2. ove uredbe uz mjesečnu kartu za prijevoz nezaposlenih osoba dužna je imati i kontrolni karton koji je dužan pokazati na zahtjev kontrolora, ili vozača prilikom ulaska u vozilo.

Član 10.
(Ostvarivanje prava kod svih prijevoznika)

Pravo na prijevoz iz člana 3. ove uredbe korisnici ostvaruju kod svih privrednih subjekata koji su registrovani za obavljanje javnog gradskog prijevoza i koji imaju registrovane linije za obavljanje javnog linijskog prijevoza putnika na području Kantona Sarajevo.

Član 11.
(Ravnopravnost spolova)

Odredbе ove uredbe odnose se podjednako na osobe muškog i ženskog spola, bez obzira u kom licu je upotrijebljeno u tekstu ove uredbe.

Član 12.
(Prestanak važenja ranijeg propisa)

Danom stupanja na snagu ove uredbe prestaje da važi Uredba o cijeni mjesečne karte za prijevoz nezaposlenih osoba u javnom gradskom prijevozu na području Kantona Sarajevo ("Službene novine Kantona Sarajevo", broj 43/15).

Član 13.
(Štupanje na snagu)

Ova uredba stupa na snagu danom objavljivanja u "Službenim novinama Kantona Sarajevo".

Broj 02-04-30320-3/20
13. augusta 2020. godine
Sarajevo

Po ovlaštenju premijera
Ministar
Faruk Kapidžić, s. r.